

# ЛҰИМА СЭРИПОС

4 октябрь  
2018 года  
№19  
(1181)

Общественно-  
политическая газета  
Ханты-Мансийского  
автономного  
округа-Югры

[www.khanty-yasang.ru](http://www.khanty-yasang.ru)

E-mail: [gazeta@khanty-yasang.ru](mailto:gazeta@khanty-yasang.ru)

Основана 11 февраля 1989 года

## 75 - тәләтл янытлылұв!



Н. Тасманова вәрум хури

Мәнь таквс этпос хұрмит хәталәт Галина Константиновна Алгадьева  
75 тәлә төвлыс. Мәныңи эква Хәльүс район Хуломсұнт павыит блы.  
Тав яныгмам ос ханиңғажтам поратә урыл 8-9 ләпсыт ловиньтән.

Ты  
номерт  
ЛОВИНЬТӘН:

Колыт ёвтнә  
мәгыс сәв олн  
майвес

3

Номтың мәхум  
касәгыт

6

Омав самын  
патум хәталә

8-9

Парщин колт  
әлум ныврамыт

10-11

Сүкырҗя павыл  
мир әлупса

15

## ЛЯХХАЛЫТ

# Мән мәвн муфтий-хум Сирияныл ёхталас

**М**ән округун Сирия мот хон мәныл танти төрманыл нупыл пөйкшан кұшай хум ёхталас, руц щирыл тав лававе – «верховный муфтий». Тав наме Ахмад Бадрэд-Дин Хассун.

Тит хотал сис Сургут ұст савсыр махум ос Югра мәвт мусульман ёт рұпитан хумыт ёт хонтхатыглас. Мусульман махум ёт рұпитан яныг кұшайт тыт имамыг лававет.

Тўяг округ кұшай нә Наталья Комарова ос тав ваңын хотпанә Сириян ялсыт, тонт кұшайов верховный муфтий мән мәвн ёхталаңкве вобыстә. Округувт савсыр мирыт олэгыт, тән ос танти щирыл төрумн пөйкшәгыт. Пуссын акван-нётхатым вос олсыт, таимәгыс акван-хонтхатыгласкве әри, мир халанылт ул вос хонтлэгыт, мирыңыщ вос олэгыт.

Ахмад Бадрэд-Дин Хассун лавме щирыл, Сирият сымтәл-мәйттәл утыт хонт овылтасаныл, тән ты элы-пәлт мот мәт олнә махум халмалтасаныл, мә пулиг-охтыртасаныл.

Ты лөль утыт хонтлын писалит ос элум-хөлас алышлан утыт вәрәгыт, тән тох олн сәлэгыт, тананылн хонт пәрыс тоты. Ты щирыл тән щёлыңыг ёмтэгыт, таимәгыс савсыр мәт мирыңыщ олум махум халмалтыяныл, кұшайт лөкамтыяныл, нас олнә махум хонтлуңкве хуйтыяныл.

Тамле куль хурип утыт хунтлуңкве шар ат әри, нанти емас номтыл элалә олән. Сирият акваг та пәтлуптэгыт, мә хот-армалтыяныл, щәмьят хоталь воссыг

вәрхатэгыт, сысы та оёгыт. Ислам мәгсыл Сирият нәмхотыт ат хонтлы, тән лөль утыт пуссын олн мәгсыл мөталавёсыт, тән ты мир алышлэгыт.

— Ваңнаныл пөсың Россия махум Сириян мир вуянтаңкве ёхтысыт. Хонт тувыл элалә ул вос мины, тот ёл вос пөйты. Мәнылат махум ищхипың ут хосыт хонтлуңкве хуйтавет, эрттам төрумн пөйшан мәгсыл тән хонтлаңкве вөвавет. Тув ул вос агтэгыт, мәнылат махум ёт акваг потыртаңкве ос рұпитаңкве әри.

Наталья Комарова, округ кұшайн, тав ты мәнавн такви кәтә тактыстә, мәнавн нөтуңкве патыс. Мән кәсашим ләльт йисув, ань провинция Хомс мәв ос Югра мә юртыңыщ олункве патәг, — ислам нупыл пөйкшан кұшай хум лавыс.

Наталья Комарова Сириян ялме порат, тот акван-нөтхатнә мәгсыл кұшайт нәпак хассыт. Ётыл ты кұшайг Москва ұст хонтхатыгласыг, Ахмад Бадрэд-Дин Хассун округ кұшай нән пұмашипа ләтың лавыс, матъёмас нөтуңкве кәсашас. Таимәгыс ань мән мәвн хум ты ёхталас.

**«Открытый регион»  
төтум потре мәныщи  
ләтңыг  
Галина КОНДИНА  
хансыстә.**



Семён Федурин

## Вөрүв ёмщакв вос ўргалаве

**С**ўқыр этпос хөтхуйплов хөталә свөр ўргалан махум тән ялпың хөталаныл олыс. Ты тәл вөр ўргалан тәлат янытәт тәра-паттын мәгыс Россия нила ўсытыт махум акван-атыглавёсыт, тыи Хабаровск, Барнаул, Ханты-Мансийск ос Петрозаводск ўсытыт.

Ос ты накт та махум Москван ялсыт, осн-паттум вәрмаяныл сәкконьтн мұсхалыг хаснә мәгыс ләтың хұлтсыт. Пуссын ты вәрмалит мирн пөриим хөтпатн, савсыр кұшайтн сунсавет, ханищтавет ос эрнә щирыл сәкконьн щөпитавет тах.

Савсыр ўсытыт рұпитаманыл порат махум лавсыт, мир мәгсыл вөр сав пәрыс тоты. Тав государство пәтыл ёмщакв вос ўргалавес ос кәсың элумхөлас такви мәгсылә вөрт нәив атуңкве, пил вәтуңкве, ләхыс атуңкве ос пәкв паттуңкве вос вөрмыс.

Ты тәлат вәрнә мәгыс эрмыглан нәпакыт щөпитавет ке, сака сав ойтнә олн тув ул вос хасвес. Вөрыт ос ят ўргалан мәгыс янас кұшайлахтын кол вос олнүв, мәхум танки мә-витув ос сака ўргалым вос оңышяныл.

Вөр ўргалан махум мәгыс сәкконьт ёмщакв

вос хансавет. Ань вөр ўргалан хөтпат хөт, хумус рұпитэгыт, маныр вәрәгыт, ты овылтыт суссылтапыт щөпитәлсыт ос кұшайтн потыртасыт.

Ханты-Мансийскат форум рұпитае порат ос акв тамле суссылтапыт олсыт. Тонт ам акв хум хөтпа китыгласлум, маныр рұпата тән вәрәгыт. Хум лавыс, наме Семён Федурин, тав Пермский крайт ФГБУ «Рослесинфорг» колт вөр ўргалан тәлат пәлт кұшайг рұпиты.

Тән лов тәл сис рұпитым савсыр вәрмалит ваңкве патсыт, сыресыр ищхипың утыл рұпитым йивыт, вөр мәтә, ўйхулыт ёмщакв ханищтаманыл. Руц ләтңыл ты тәланыл «таксация» лававе. Ты урыл тав әнумн мощ потыртас ос хурит суссылтас.

**Тамара  
МЕРОВА**



## ЛҤХХАЛЫТ

# Колыт ёвтнэ магыс сав олн майвес

**Ты тал оигпан мус округ миркол кўцаит хультум олнаныл савсыр ман уртыяныл, тан молях вос холтавет. Ювле хультум сатыт ты урыл ос сапрани вэрыглавес. Тан ань олнэ колыт ёвтнэ магыс манах олн мыгыт, та урыл потыртасыт.**

Ты сапрани Общественный палата колт рўпитан махум тан вэрыгласаныл. Яныг кўцаит тот ос олсыт. Сергей Таньтшин колыт ос ЖКХ уральтан комиссият кўцаиг олы. Тав тох потыртас. Ты сапрани элы-палт тан округув янытыл мирколытт рўпитан махумн пицма хассыт, таит ёмашакв вос ловиньтыяныл — манах хотпа пёс колытт ос терныл вэрим балок-колытт олэгыт, манах хотпа очередин хансым олэгыт.

Ювле тан тамле нэпакыл тотвёсыт, аквтуп, округув тамле хотпа сака мощца. Эрттам, Нижневартовск, Мегин ос Нягань ўсытт балокытт нэмхотють ат олы. Тав ань лэвыс, район ос пэвыл мирколытт махум лўльсаң рўпитэгыт. Тан танти ат вэгань, манах хотпа пёс колытт савалым олэгыт.

## Яныг кўцаит потраныл

Тав юи-пэлэт кол ўнттын округ департаментыт кўцай Андрей Кривуляк потыртас. Хум лэвыс, ты тал 6 млрд 52 млн солкёви тал оигпан мус округ бюджетныл миве. Ты олнытыл 2 сётыра 141 олнэ колыт ёвтавет, 86 балок-колытт олнэ махум нётавет, субсидият магыс олн ос миве. Пуссын акванловиньтаңкв те, тох ёмты — тал сыс 4 сётыра 636 щёмья нётаве, тан халанылт 1 сётыра

11 маньлат колтагыт, маньщи ос ханты — 73 щёмьят.

Кол ўрнэ махумн нётнэ магыс округув программат хансым олэгыт. Щар мак яныг программаг ты — «Обеспечение жильём молодых семей» ос «Обеспечение жильём граждан из числа коренных малочисленных народов ХМАО-Югры».

Тан «Ипотечное агентство» пэлыл олныл ты нётавет, кўцаиг тот Евгений Чепель рўпиты. Ты хум ань лэвыс, 2018 тал сыс маньлат щёмьятн 2 млрд 9 млн солкёви миве. 2006 талныл 2018 тал оигпан мус тан магысланыл 19 млрд 76 млн солкёви холтвес.

Сосаң щёмьятн арыг 400 млн солкёви миве. Ань 140 ханты ос маньщи колтагыт нэпаканыл атсаныл, ос тан пуссын субсидия-олныл миве.

Сав нэврамың щёмьят ты тал товат ос тах нётавет. Ань туп мощца олн сёлнэ колтагыт нётуңкв патавет.

## Савалап нэврамыг нётавет

Тан уранылт Дарья Плесовских потыртас, тав опека ос попечительство управление колт рўпиты. Щань-ащ тал яныгман нэврамыг акваг уральтым оныщавет, нилахуйплов таланыл товылн юи-палт тан аква очередин хансавет.

Ты тал 500 млн солкёви тэстувес, ты олнытыл тованыл олнэ колыл тах ёвтавет.

2018 тал овылтахтам пэсныл округувт 576 савалап нэврам олнэ кол ўрэгыт. Тан хуныл 18 таланыл товлэгыт, тара олнэ колыл ат миве. Матах тал ўрхатэгыт. Ос йильпи колн пуссын ат вантлэгыт. Павлың матт йильпи кол сака атим. Маныр кол олы, таил та ёвтавет.

Ты элы-палт ос тох олыс, савалап нэврамыг хотьютаныл колыл миве, тан ты коланыл тыналаңкв вёрмысаныл. Тох сака сав нэврам лэплувес, тан кол тал та хультыт. Ты юи-палт саккон мотнув щирьл хасвес, агит ман пыгыт хунь колыл миве, тананылн ат тал ты колт олуңкв, тувьл ущ тыналаңкв рёвыс.

Ты кўцай нэ лэвыс, ты саккон пирмайтым пэсныл, ань ат тэлыг ты ёмтыс. Хотьютаныл тонт колыл майвёсыт, тан ань яныгнув кол ёвтуңкв вёрмёгыт.

## Социальный найм урыл

Ты урыл Станислав Кононенко потыртас, хум сакватахтым олы, ёмыгтаңкв такви щар ат вёрми, коляскаң утыл яласы. Тав социальный найм щирьл кол ўрнэ махум урыл потыртас.

Ань йильпи сакконт хансым олы — социальный найм щирьл ань туп та хотпат миве, хотють кол ат оныщи, ты тэла руц лэтыл тох лэваве — «категория нуждеомости». Ты очередьт олнэ хотпат колыл те миве, мот мат нётуңкв щар ат патавет.

Хум лэвме щирьл, ань ты очередьт олнэ махум

щар ат нётавет. Ханты-Мансийск ўст олнэ аква хум наме 1990-ит талныл тув хансым олы, ань ты хотал мус олнэ колыл аты майвес.

## Нор колыт пуссын сака пёсыт

Ань округувт норныл ўнттым сака сав пёс кол олы. Тот сав щёмьят олэгыт. Касың районтос ўст комиссия рўпиты, тан ты колыт уральтыяныл, ос тувьл лэвёгыт — ты колт элэлы олуңкв рёви ман ати.

Общественный палатат рўпитан хум Александр Тарасенко ты урыл тох лэвыс:

— Ань тамле вэर्मаль тара-патыс. Махум танки ты комиссия хунь атэгыт ос кол ёмашакв уральтыяныл, тувьл тан ты лэвёгыт — ты кол манхурипаг олы, тав сака пёс ман ати, хотщёпитаңкв рёви ман ати. Ос хунь кўцаит ты комиссиян хансавет, щар мот щирьл ёмты — аквтуп ты кол иң ёмас, тот хоса олуңкв рёви. Тамле вэर्मальн ман ты ярмысўв.

Округувт Радужный ўст тамле пёс кол сав олы. Молты тал ты колыт хот-щёпитан организация вунщалыг ёмтыс. Тан тыкос ты колыт уральтым ошсаныл, акваг ёмашакв хотщёпитан магыс сав олн холтсыт, ос руц лэтыл лэвнэ холт, «банкротыг» та ёмтсыт.

Тамле тарвитың вэर्मаль округувт сав олы. Ос кос хот рўпитан кўцаит тан ты вэर्मалит ёл-тўйтыяныл, мирн тан осн ул вос паттавет. Округув янытыл ты паттат махманув ты савалэгыт.

**Валентина ХОЗУМОВА**

# Ўщлахтын магсыл төвылхатнэ савит олн таставе

**Т**уи хурум этпос сис манасавит  
агиришит ос пыгришит  
щаршин пувлуңкве ялсыт, ос хоты  
няврамаквет пусмалтавёсыт, та урыл  
савсыр департаментыт рупитан  
хотпат ляххал тотнэ махум элы-палт  
потыртасыт.

Хаништап департаментыт кущай ваңын нэ Снежана Возняк лавыс, ты вәрмал магсыл округ бюджетныл ты тал кит арыгкем млрд солкөви тастувес. Ты рупата тал сис вәраве, яныг таквс этпост ущлахтуңкве манос пусмалтаңкве тән ос сав няврам кетыглэгыт.

Ты элы-палт мирн нётнэ департаментыт ты тэла тара-паттым оныщастэ, ань савсыр мат рупитан махум пуссын аквёет ты рупата вәрэгыт. МЧС, Роспотребнадзор ос мот махум ты мат ватихал уралтыяныл.

Лүпта этпост, ойттур этпост, вортур этпост округут 572 савсыр лагерит рупитасыт, тот 51 сөтыра 985 няврам ущлахтасыт. Ты халт 56 палаткаң лагерит вәрыглавёсыт, 32 лагерит няврамыт рупитасыт ос олн сэлсыт. Туи порат 75 сөтыра 689 няврам ущлахтасыт, тән халанылт 350 — мот хон матын тотыглавёсыт ос 15 сөтыра 475 няврам щаршин пувлуңкве ялсыт.

Культура департаментыт рупитан нэ Наталья Михайлова лавыс, тән «Развитие культуры Югры» нам-

па программа хосыт 340 сөтыра солкөви холтсыт. Олныт тән касыл щырыл тастыглэгыт. Ты тал овыл щёс «Ильгиборская» нампа община нөхпатыс ос Белоярский районт тән сосса няврамыт ущлахтын ма вәрыгласыт. Хурум смена сис 200 агиришит-пыгришит тув тотыглавёсыт.

Ань касың талныл округ янытыл савнун лагерит рупитаңкве овылтахтэгыт. Тән пуссын акв реестр-нэпакн хансым олэгыт ос хоты матын няврамыт ялуңкве вөрмёгыт, тот пуссын ловиньтаңкве рөви.

Мән округут этнолагерит ос рупитэгыт, манах маньщи, ханты ос ёрн няврамыт щаршин пувлуңкве тотыглавёсыт, кущаит ос китыглавёсыт. Снежана Возняк ювле лавыс, хоты этнолагерит рупитасыт, тав лавуңкве ань ат вөрми. Манасавит сосса няврам Крымн, Краснодарский краит ялсыт, тән ос ат ловиньтасыт. Мотыт тал ты агиришит-пыгришит янастах ловиньтыяныл.

**Людмила  
ТЕТКИНА**

# Няврамыт

**М**ань таквсы этпос атыт хоталэт  
ялпың хоталаныл. Ань олнэ орумт  
касың няврам исколат ханищтахты,  
касың няврам сүкыр этпос овыл  
хоталэт исколат овыл ханищтан нән  
ляльт хонтаве.

**Х**умус тав няврамыт ханищтыя-  
нэ, сымыңыщ тананыл  
оныщиянэ, ты тара  
наңки: няврам алпыл  
квалуңкве ос исколан  
минуңкве таңхи, уро-  
канэ юн ёмашакв ха-  
нищтыянэ. Тувыл ос тох  
элаль яныгнув классыт  
ханищтахты. Няврамыт  
ханищтан рупата — ати  
кос күпнит. Таимагыс  
овыл ханищтан хотпатэ  
касың элмхөлас, улпыл,  
номитэ.

Ам овыл классын  
Сүкырья павыл ис-  
колан минасум, овыл  
ханищтан нэм Аль-  
бина Васильевна По-  
пова (Вадичупова)  
олыс. Тав тонт ущты  
педучилище асталас,  
рупитаңкве патыс.  
Овыл класс та порат  
подготовительный  
классыг ловиньтавес.

Классувт сав няврам  
ханищтахтас, тонт пав-  
лувт интернат олыс.  
Классувт сав палэт  
маньщи няврамыт  
олсыт: Сүкырьяныл,  
Ясунтныл, Пувлахныл,  
Хорыңпавылныл. Мән  
рущ латңыл пуссын

лөльсаң потырта-  
сүв, товат рущ латңыл  
потыртаңкве щар ат  
хассыт.

Ётыл, овыл классыт  
ханищтахтамувт, ин-  
тернет лап-пантвес, Са-  
ранпавылн тотвес. Ма-  
навн ханищтахтуңкве  
сака пумыщ олыс. Ка-  
сың ялпың хотал кас-  
тыл савсыр концерт  
клубувт вәрыпласүв, клуб  
кущаиг тонт Клавдия  
Васильевна Афанасье-  
ва (Сайнахова) олыс.  
Уроканув астын юи-  
палт танккёныл олнэ  
яныгпала махманувн  
вит тотуңкве нётсүв,  
наив сагруңкве, колкан  
ловтуңкве.

**Т**а порат исколат иң  
Елена Яковлевна  
Баусова (Хатанева),  
Анастасия Григорьевна  
Ромбандеева (Сайнахо-  
ва) рупитасыт. Тән пус-  
сын маньлатыт, кәр-  
камыт олсыт, мән  
ётанув сөрёёрыг сав  
рупитасыт, манав ём-  
шакв ханищтасаныл.  
Таимагыс тонт павлув  
олупсатэ искола ёрыл  
олыс.

Китыт классыт ха-



Ирина Молданова няврамыт ёт рупиты

# ханищтан хōтпат янытлэв



ништахамувт Альбина Васильевна āгитэ самын патыс. Тав пѐнт сылэ Елена Ефимовна Качанова мāнав хаништаңкве ёхтыс, Вика āгитэ ѓс иң мāнь ѓлыс. Хўрмит классыт Филицата Прокопьевна Филиппова мāнав хаништастэ. Ётыл Саранпāвылт яныгнув классыт хаништахамувт, Альбина Васильевна интернат кўцаиг рўпитас.

Саранпавлыт օс сав  
Сёмас ханищтан  
хѳпатн ханищтавесѳв,  
тыи С.С. Юркив, В.К.  
Вьюткина, Н.К. Филип-  
пова, Н.Ф. Денисова,  
Р.М. Капшук, интерна-  
тыт М.В. Фризоргер,  
М.В. Быстрова, В.М. Те-  
рентьева воспитате-  
лиг рѳпитасыт. А́нум  
ханищтам хѳпат пус-  
сын ёмас номтыл но-  
мылматыанум, яныг  
пѳмащипа латын  
лѳвѳгѳм.

Ленинград ұст ин-  
ститут а́стлаум ю-  
пáлт Ханты-Мансийс-  
кий педагогический  
училищан рӯпитаңке  
кётвёсум, ань тыг мус  
тот рӯпитёгум. Тыт  
ōс сáв ёмас мāхум ёт  
рӯпитасум ос э́лаль  
рӯпитёгум.

Рұпитаңке օвыл-  
тахтамум порат օв-  
лэт тәрвитың օлыс, ам  
рущ латың ос литера-

тура, ма̋ньщи ла̋тыҥ ханищтаҥке ла̋ввесум. Уроканум щѣпитах-тунке а̋нум Светлана Павловна Кононова, Ас н̄а, н̄ётыглас, Ольга Васильевна Бондаренко, руш ла̋тыҥ ос литература ханищтан н̄а.

Лидия Алексеевна Чусовитина, завуч нѣ, акваг ам уроканумн ѣхталас сунсуңкве, хълтыглахтас, хумус ѣмшаквнуд нѣврамыт хаништаңкве эри. Акв щѣс ат кўщай хѣтпа аквторыг урокумн ѣх-тыс, тувыл нѣврамыт а́нумн лѣвсыт, наң тур-суиң сака тѣргыс. Ам амки рўпитам ма́хум уроканыл сунсуңкве, хаништахтүңкве ѳс акваг ялантасум.

2010 талт педучили-  
щав, экономический  
колледж, политехни-  
ческий колледж пус-  
сын акван-түлвэсйт.  
Колледж кўшаиг ань  
А.Б. Сарабаров օлы.  
Педколледж педагоги-  
ческий отделенияг ём-  
тыс, педагогический  
отделение Чехова ўс-  
хулыт, 16 колт օлы.  
Тыт исколат нйвра-  
мыт хаништан хօт-  
пат, нйврам садикт  
рўпитан хօтпат, физ-  
культура хаништан  
хօтпат хаништавет.  
Отделение кўшай нйг  
Вера Александровна

Зырянова օлы. Тав сав  
тӑл психологыг рӯпи-  
тас, китыт тӑл отделе-  
ние кӯщаиг օлы, нѐм-  
са нӑ.

Хосат та̋гыл дошколь-  
ный специальностит  
Нина Николаевна Ка-  
линина, Наталья Ва-  
сильевна Ахмедова,  
Зоя Степановна Око-  
тэ́тто рӯ́питэ̋гыт, та̋н  
налыманкем та̋л тыт  
рӯ́питэ̋гыт. Та̋н сав сосса  
а̋ги ханищтасыт, улпыл,  
ка̋сың па̋вылт ныврам  
сади́кт рӯ́питан ма̋х-  
мы́тн та̋н ва̋вет.

Дошкольный специа-  
листит мѣнлатъ  
агит Евгения Петров-  
на Тимошук, Ксения  
Васильевна Никурова,  
Валентина Владими-  
ровна Орлова, Надежда  
Николаевна Голоднева,  
Екатерина Сергеевна  
Викулина, Анастасия  
Владимировна Малова  
рупитѣгыт.

Галина Порфирьевна Кумышева хосат та̋гыл математика ханищты ос исколат практика порат а̋гитн-пыгытн математика урокыт щё-питаңкве не̋ты. Ам ётум с̋ав ёмас хõтпа рӯпиты, та̋н халанылт Ирина Максимовна Молдано́ва, тав А̋с ма̋хум ла̋тың, литература, ДПИ ханищты. А̋гитн-пыгытн, тав ётэ рӯпитан хõтпатн эруптаве, эсҕаве.

Исколат мaнь нaврa-  
мыт хaништaн aгит-  
пыгыт Е.М. Доцeнко,  
Я.А. Нoвныкa хaништ-  
тэг. Сaвсыр предмe-  
тыт хaништaн хoтпaг  
рyпитэгyт: Г.Ю. Мини-  
бaевa, Л.И. Юмaтoвa,  
Т.А. Нaвaлиxинa,  
С.Л. Сивкoвa, Л.И.Кивa,  
Н.В. Мaльцeвa, Э.Л.  
Ефимoвa, О.А. Исaeвa,  
Е.А. Кoвaлeвa.

Ильвина Камалова  
Имāнь нйврамыт

ханищтан нэг юи-овыл  
нилыт курсыт ханищ-  
тахты, такви хатань āги,  
мāньщи лāтың ханищ-  
ты, тох ты мāхум яныт-  
лыянэ:

«Ятил хаништан хӧт-  
панув! Хаништан махум  
мирхал ялпың хӧтал ёт  
нанан янытल्याнум! Ха-  
ништан хӧтпа рупата-  
тӧт мутраңыг, лылытӧ  
маньлат поратӧ хольт  
ӧлнӧ, акваг сымыңыш  
ос йильпи щирыл, йиль-  
пи ёрыл савсыр тӧлатн  
вуйхатан, нӧмса, лас-  
кат сымпа, ёмас щир-  
ыл тақышнув китыг-  
лан хӧтпаг ӧри ӧлӧнкве.

Нан рӯпатан тәрвир-  
тың, нас тох тыныл  
пинуңкве ат вёрмилүв,  
рӯпатан тын ат ӧнщи!  
Нан тасәвит ёр нанки  
рӯпатан мыгын, тӧва-  
накт нанки ляпа рӯт  
мӕхманын мӕгыс пора  
ат ӧнщӕгын.

Ам таңхёгум, нāн  
ты ялпың хōтал нāн-  
ки колтағланын, ляпа  
мāхманын ёт вус яныт-  
ласын! Эрупса, вёртпи,  
сōт ос щунь нāнан! Кā-  
сың рўпитан хōталын  
ёмщакв, тēлаң ширил  
вус мины, кāсың ълнэ  
хōталын та коныпал  
ёмасығ ос щāғтылыңығ  
вус ълы!»

**Н**яврамыт хаништан мӕхум! Мӕн нӕнӕн ялпың хӕталын ӕт ӕс янытлыӕнӕв! Пус кӕт, пус лӕгыл! Ӕлаль ӕлнӕ посың хӕтал! Хаништан нявраманын вӕцкат, номтың, мӕтраң, нӕмса, ӕмас сымпа хӕтпаг вус ӕмтӕгыт, Ӕлаль вус хаништахтӕгыт! Ӕлаль ӕмшакв рӕпитӕнӕкве, иӕльпи щирыл нӕнкинӕн хаништахтӕнӕкве ос хаништаӕнӕкве! Нӕй-Ӑтыраны вус ӕргалавӕн!

Альбина  
СТАНИСЛАВЕЦ



## Тэнатэн мән янытлыягүв

Ты тәл туи порат Чебоксары үст Россия мәнлат махум халт катылмаштырланкасыл вәрыглавес — «Молодые дарования 2018». Мән округувныл тув ос агитпыгыт ялсыт, тән тот хотыют юнсахатас, хотыют ёрыгхатас.

**Екатерина Смирнова**, Урай үст центр ремесел колт рупитан аги, такви юнтум маснуганэ тот суссылтас. Тот титыт местал майвес, аги рушит пёс хольт масхатам маснугыт юнты, савсыр руш супыт ос коныл ошнэ пальтувыт. Нохпатме магсыл тав матсавит олныл майвес. 2015 тәлт ос акв тамле касылт тав янытлавес.

**Анатолий Пельментиков**, Нижневартовский район Аган павылныл олнэ хум, Чебоксары үсн касуңкве ос ялыс. Тот тав касай вәрыс. Касай налэ ос касай сыпале сәлы аһытныл ёргыстэ. Тыи магсыл хурмит местал майвес. Ханты ләтңыл касай «кел» ләвияныл.

Анатолий Юрьевич такви пәвлэт «Межпоселенческий центр национальных промыслов и ремесел» колт шаквщим рупиты. Мәлт тәл ос касыс, тот тав олның мүйлупсал майвес.

Савнуг махум кәтыл рупитаңкве вос хаништахынувыт, тох пёс йис пормасыт молях ат ёрувлавет ос элаль мәнлат махумн вәравет.

**Ляххал мәнщи  
ләтңыг Галина  
КОНДИНА  
хансыстэ.**

## Номтың махум касәгыт

**Мән олнэ мәвт «Молодёжная лига управленцев Югры» нампя проект вәрвес. Аквтыхурип яныг тәла Россияв янытыл хосатнуг рупиты, тох намаим олы — «Молодые лидеры России».**

Ты вәрмалы ширыл кұщайт округт олнэ номтың, кәркам, апыр мәнлат махум кинсәгыт, каснэ мәт хонтыяныл, тәрапаттыяныл. Хотыютаныл шар мак ёмашакв хаништахты, нөх-паты, элаль тах мирколт кұщайг паттаве, хөтәти пуңктотуңкве паты.

Ты тәла урыл «Центр гражданских и социальных инициатив Югры» колт кұщай вәңын хум Яков Самохвалов, Ханты-Мансийск үс миркол пәлыл физкультура, спорт ос мәнлат мир политика кұщай вәңын нэ Ольга Киприянова ос ты проектыт касум ос хаништахтам мәнлат хөтпаг Максим Вылков ос Яна Хорунжая — тән потыртасыт.

Мәнлат махум миркол тәла хаништахыт, мир ёт рупитаңкве, бюджет олныт ловиньтаңкве хаништахтасыт. Тәнаныхн «Центр гражданских и социальных инициатив Югры» фонд нёты. Касуңкве округ янытыл 22 хөтпа ёхталас, тән халанылт 12 нәт ос хумит элаль каснэ магыс пәриявёсыт. Тән пуссын номтыңыт, кәркамыт, оступ хұрум места олыс — хұрум хөтпа нөх та патсыт.

**Яков Самохвалов** тох лавыс: «Ты вәрмалы хосыт мән номтың, мұтраң мәнлат



махум кинсәв. Ёмашакв рупи-тан мәнлат хөтпа сав ёмас тәла вәруңкве вәрми, такви олнэ мәтән яныг пәрыс тоты. Тамле мәт хаништахтын хөтпат, ушпылнәг сав вәңкв патәгыт, махум нупыл сунсәгыт, әрнэ матыр вәруңкве хаништахтәгыт, халанылт вайхатәгыт, потрамәгыт. Кәсың элумхөлас такви рупататэ суссылтытэ, махум сунсәгыт, тав маныр вәруңкве хәсы, хумус номсы, хумус потыргы. Тувыл тав нөх-паты те, вәңкв паттаве, әрнэ порат хоталь ёмас рупатан виңкв вәрмаве».

**О**льга Киприянова мощ потыртас, хумус тән хаништахтасыт: «Мәнлат махум сака мәнит ати, кәсыңаныл нёлоловхуйплов тәлэ төвлыс, савыңпәлэ рупитәгыт. Кит сәттем савсыр семинарыт хаништахтасыт, халанылт потрамасыт. Кәсың янас проект-потыр шөпитәлыс, тәитэ суссылтастэ, ловиньтастэ».

Нөх-патум нэ Яна Хорунжая государственный художественный музейт рупиты, үс махум выставкат сунсуңкве вөвиянэ. Тав «Музей на колёсах» нампя лапт нэ йильпи потырт хунтлын магыс, мөт махум ёт вайхатан магыс пөтхатас. Яна лавыс:

«Ам аты вәслум, тыт, насати, татем пұмыш, мән сав хаништахтасу, сав ляххал хунтамласу. Пуссын ты тәлат рупатамт тах әрмыгләгыт».

**М**аксим Вылков лавме ширыл, тот мұсхал, мұтраң махум рупитәгыт: «Хунь хаништахтуңкв астысу, грант-олныт урыл потыр олыс. Вәим, ань тыгыл элаль ушпылнәг сав рупитаңкве ос хаништахтуңкве әри. Мәнмалтахтуңкве тот ат рөви, хаништан хөтпанув мән ётув сәрьёрыг потыртасыт, тәкыш ошвесу. Ты махум ёт мән юршмахтасу, ань аквёт рупитәв».

Юи-өвил ләтың Ольга Киприянова лавыс: «Мөлтэ порат касум хөтпат ань пуссын рупитәгыт. Мән тәнаныхн рупатал хунь шөпитыяну, тән тыт ёмашакв потыртаңкве, мөт хөтпан нөтуңкве хаништахтәгыт, грант-олн виңкв вос хәсәгыт. Нөх-патум хөтпанув ань Россияв янытыл сав мәт олнэ нәт ос хумит халт элаль касуңкве патәгыт. Тувыл тот те нөх-патәгыт, округ кұщайн премиял мивет, олн ойтәл элаль хаништахтуңкве ос ёмас рупатан патхатуңкве тах вәрмәгыт».

**Светлана  
МАТВЕЕВА**

# Восыңтүр павылт щань латың вос суйты

**Н**яврамыт ханищтан хөтпат Нянытлан хөтал кастыл ам Роза Семёновна Новьюхова урыл потыр хансэгум. Маныщи нэ Хальүс район Восыңтүр павылт школат рүпиты. Такви рүпататэ урыл Роза Семёновна тох потыртас:

— Ам Восыңтүр павылт школат 1-4 классын ялантан няврамыт урокыт юи-палт щань латңыл потыртаңкве ханищтыанум. Павлың няврамыт ос манылат агит-пыгыт латңув шар ат ваганыл. Маныщи латың ванэ хөтпа тыт ос мошща.

Щаняныл-ащаныл такос потырттыанум, нявраманыл маныщи латың ханищтаңкве вос ёхталэгыт. Тән пуссын ювле лавегыт, ты латың нявраманылн шар ат эри. Овыл классын ялантан агиришит ос пыгришит тай пүм-шалахтэгыт, тананыл савсыр стихыт, эргыт ханищтаңкве пүмаш. Янгыг мощ ёмтэгыт, маныщи латңыл потыртаңкве воссыг ат касащегыт.

Школат ам нэпак ловиньтан колт рүпитэгум ос музейт савсыр пёс пормасыт, хурит, нэпакыт акван-атэгум. Музеюв 2000 талт вәрвес. Төнт няврамыт тәнки савсыр пёс пормасыт, хурит акван-атуңкве патсыт. Ань ты рүпата ам вәрилум, школа астан агит-пыгыт, павлың махум урыл потыр хансэгум, павлув урыл пёс потрыт ос атэгум. Ты конь-пал «Бусинка» намба кружокт няврамыт сакныл хартуңкве ос юнсахтуңкве ханищтыанум.

Школат рүпитаңкве хунь овылтахтасум, кұшаиг павлың нэ олыс. Тувыл тав пөхын минас ос мөт хөтпа кұшаиг паттувес, тара сав руш махум тыг рүпитаңкве ёхтыгпасыт. Төнт няврамыт маныщи латың ханищтаңкв пөйтсыт. Ам туп библиотекариг рүпитасум. Ты кружок ань ювле вәрвес ос няврамыт щань латың ханищтаңкв оста патсыт.

Сүкыр этпост мән маныщи латың ханищтан йильпи нэпакыл кётвесүв. Нэпакыт 1-4 классын ялантан няврамыт магсыл таратавёсыт. Ань школа кұшай лави, мөтыт талт няврамыт маныщи латың урок щирыл ханищтаңкве тах патыянүв.

Няврамыт кружокн вос ялантасыт ос маныщи щирыл юнсахтуңкве, сакныл хартуңкве вос кәсашасыт, амки ос акваг ханищтахтэгум. Түяг Хальүс районт өлнэ мащтыр нэт Ягримн акван-атхатыгласыт. Тән нуйсахи юнтсыт, ам мащтырлаңкве ос тув ялсум. Ты элы-палт тамле эрнэ вәрмалы Тэк, Хальүст ос мат павлытыт вәрыгләлвес. Матъёмас, ань махум тох акван-атхатыглэгыт ос тәнки халанылт ханищтахтэгыт. Мән павлувт тамле ханищтап вәрыглаңкве ос эри. Махманув тәнки пёс йис вәрмаланыл нупыл ос вос сунсэгыт, хот ул вос ёрувляныл.

Роза Семёновна Восыңтүр школат ханищтахтас. Маныщи нэ Неремово павылт самын патыс, щанягешаге тот өлсёг. Омагэ Кульпасныл олыс, аятэ — Новинский павылныл. Аги атыт классыт ханищтахтас, хунь тән атимыг ёмтсёг. Төнт Восыңтүр павылт өлнэ рүтаныл Роза такви пал-

тэ вистэ ос янмалтастэ.

Нёлолов класс мустав Восыңтүр павылт ханищтахтас, школа Ягримт астан. Ты юи-палт Тюмень үсн ханищтахтуңкве минас. Аппитэ тот савалап няврамыт колт олыс. Роза Семёновна таве виңкве таңхыстэ. Тот лаввес, тав өлнэ кол ат оныщи ос ат рүпиты, няврам хумус янмалтытэ. Ты юи-палт Роза рүпитаңкве минас, ханищтахтуңкве ат патыс. Тувыл хум вәрыс ос аппитэ та вистэ. Ойкатэнтыл кит няврам янмалтасыг. Такви өлупсатэ урыл маныщи нэ таи лавыс:

— Тюмень үст лов тал өлсум, амки яныгмам павлумн шар ат ялантасум. Няврамагум мәниг өлсёг, ос ойкамн юв ялуңкве ат тартвёсум. Акв порат няврамагум ёт павылн минасум. Восыңтүрн ёхтысум, ювле үсн минуңкве воссыг ат тахмаясум, тыг олмыгтасум. Ойкам ёт китыг та минасамён.

Павлувт махум мөт щирыл олуңкве патсыт. Тыт йильпи школа, клуб, сав йильпи колыт үнттувёсыт. Овлэт ам няврамыт ёт рүпитаңкве паттувёсум, тувыл школан нэпак ловиньтан колн вуйвёсум. Та порат Санкт-Петербург үст А.И. Герцен намба университетт ханищтахтасум ос тал сыс кит щёс тув ялантасум. Восыңтүр павылт мөт хум вәрсум, ойкамёнтыл кит аги оныщимён.



Роза Семёновна Новьюхова

Людмила  
ТЕТКИНА



# Омав самын патум хөталэ



Галина Константиновна Алгадьева Хулумсүнт Хальүс район павылт олы. Мән таковс этпос 3 хөталэт намхөталэ, тавен ты таквс 75 тал төвлыс. Галина Константиновна ойкатэ эт хот нйврам янмал-талсыг. Илья Никитич хосат атимыг емтыс. Ань нйвраманэн пуссын танки щёмыяңыт, рүпитэгыт, оманылн матыр-ати акваг нётэгыт. Галина Константиновна нйвраманэн ос сав мот ляпа рутанэн манычи газета щырыл самын патум хөталыл янытлаве.

Мән омав сака емас, нёмса, сымың хотпа, хотпа нупыл емас эква, мащтыр эква, матыр-ати юнтуңкв пуссын хасы, эргуңкв хасы, пёс олум вәрмалит ваг, таимагыс савсыр учёный хотпат тав этэ ватихал хонтхатыгла-

лэгыт, павлың махум матыр вәрмалы урыл китыглахтуңкв ос акваг тав палтылэ ёхталалэгыт.

Емас анёква-ща-щёква магыс Галина Константиновна колэ косхунь таглың ос суиң, янге-мәне агинйвраманэ, пыг-нйвраманэ, апганэ пуссын тув атхатэгыт.

Мән омакёв сака эруптылүв, янытлылүв ос анигылүв, самын патум хөталэтыл сымыңыщ янытлылүв ос пустагыл олнэ хөтал, сөтыңыг олнэ хөтал тавен лавёв. Хоса нот ос шунь тавен.

*Мүйлупса латың кётсыт нәң нйвраманын, аги-пыгын, аги-агиянын, пыг-пыганын, пыг-агиянын, аги-агин агит, аги-агин пыг, пыг-агин аги, манянын, вәпсанын, апганын ос ляпа рутанын.*

Ёвтымсёс хум яныг аги,  
Халпавыл эква яныг аги.  
Ўй хунсын хоса вольт.  
Искарский павыл овылт  
Аги нёвитавес, аги янытлавес.  
Ат патэв талыт

ловиньтаңкв,  
Махум олыглэгыт савнув.  
Тэла нот хунь, ос вәрмалит  
Мән тананыл ловиньтэв, потыртэв.  
Пүс кат, пус лагл вос олэгын.  
Наталья эщин

**Галина Константиновна Яныгпавылт самын патыс, тот яныгмас. Щәне Халпавыл эква олыс, аще – Яныгпавыл хум. Павлагён халэн ат вёрыста олыс. Такви ханищтахтам поратэ урыл тох потыртас.**

— Ам Няхщамволь школат ханищтахтасум, интернатыт олсум. Тонт сат класс школа олыс. Сат класс астласув, аквьёт саран агиянувтыл мән хурум-хуйпулов агирищ клас-сувт олсув. Хотьют щёлыңнув, тай танки щанянылн-ащанылн ханищтахтуңкве кётвёсыт. Мён Панал, саран агиянмён эт аквьёт минасамён.

Тонт Кульпас мус саранхәпыл тотвёсув. Элалы Ысн тай «Шлеев» наиңхәп яласас. Ам Ыст намнәпакум вәруңкв хулытсасум. Война порат миркол хотталы тотыма. Ам тэл ёл ат хансыглавёсум. Аттестатыл школат майлавёсум, мот нәпаканум пуссын вәрвёсыт. Ханищтахтуңкве минмыгтасум, ушты хонтыслум, намнәпак

ат оныщёгум. Лаввёсум, Хальүсн ялуңкв горзагс манос райзагс ты утыл тах мивем. Няхщам-вольт справкал майвёсум, щанягум-ащагум ос эщанум, апщиянум ос пуссын олэгыт, ам тай нам тал. Мирколт нәпакытт намум ат хасвес. Я-а, манпалыт яныгмасум, намум тув хансуңкв ат вөрмысыт.

Тувыл Хальүсн ёхтысум, тот хулытсум. Хоталь минёгум? Нәмхотьют ат вәгум. Тахольт нәлми вәтат Няхщамволь учительница-эква хонтаслум, аном такви палтылэ вёвыстэ.

Тох намнәпак ат оныщёгум, манырыл элалы минёгум медицинский училищан ханищтахтуңкв. Тав колёт кит эт, улпыл, хуясум, райзагсын ялсум. Нәпакыл майвёсум,







Марфа манос матыр мот намыл хасвёсум. Ам лавёгум: «Ам намум Галя, акваг лаввёсум Галяг». Няхшамвольныл вим нэпаканум пуссын суссылтыяну.

Тувыл нас справкал вэрвёсум. Номсёгум, ань махманмыл ювхультёгум, экзамен тах садайтаткв патёгум. Атэ щисла, атэ маныр, хунь самын патсум, аты хасвес. Тувыл намум тай хумус олы, хасвес. Там-ле нэпак ёт та минасум. Тох вуйвёсум.

Экзамен садайтасмён, Пана руц латңыл диктант манос изложение ат хансыс, та урыл тав ат вуйвес. Сав няврам пöхын-арыгтаптувёсум, ам хультупталвёсум. Тувыл ётыл намнэпак ос паспорт магыс нэпаканум ос хурмак-кем щёс тыгле-тувле кётсэлсанум.

Овлёт кётсасанум, матаре ат артми — ювле ёхтысыт. Тувыл аквматёрт ушта нэпаканум ёхтысыт, самын патум хоталум ос атим. Горзагст рүпитан нэ хансыс: «Хоты щисла наңки касащёгын, таи та хансёлн». Ам маңь таквс этпос хурмит щисла тув хансылум, тонт учитель янытлан хотал ушты вэрвес.

### Маснут маңки юнтсёв

Хаништахтуңкв манарыл хаништахтёгум,

юн яныг щёмьяв. Масхатункв эри, маснут ос ат оныщёгум. Аквписыг юн маңыщи маснутыл олсум, руц маснут ат ошсум. Сатыт классыт хаништахтасёв, интернат магыс ульийв сартуңкв лаввёсум. Тот олнлөмтыл майвёсёв.

Ам тор висум, суп юнтсум ос полуботинкаришиг ёвтсум. 14 солкөвил суп вэрнэ тор висум, туфли, шулкин ос осың тор. Осың торыл пиджак амкинам юнтсум. Тонт кружокн ялантёв, юнсахтёв, та манарёв.

Ўст хаништахтым форменный саржал майвёсёв, форма вос юнтёв. Акв суп тагыл торыл майвёсум, суп вос юнтёв. Амки юнтум супум, тувыл тот ос юнтсум, тувыл форма. Ам тай формам веритас, руц агиришит тай товват саюм мат саржа олыс, тўяг мус папаныл пуссын паслысыт. Шу-

ран аквумн фуфайкал майлавёсум.

Тонт практикан пум вёруңкв этпосн кётсавесёв, тувле Сургутский район нупыл. Тонт тав Ларьякский район олыс. Ань май Мегион ўст олы, та пöхыт маңь павылкве Мылино олыс, пум вёруңкв тув та кётыглавёсум.

### Пум вёрсёв

Мён аквмат агиришквел Клава Рымова ёт учитель экваг-ойкаг колн тув лаввесамён. Тувыл акв тәнэ колыл майлавёсум, тәнкв акван тув ялантасёв. Тәнутыл нас пайтавёв. Туп экваг-ойкаг колн хуюңкв ялантасмён. Вортоспум колытт хуянтасёв.

Лув сыс тармыл тай торгал та сүлтасёв. Тащир лув сыс тармыл ань кўпна хартёв. Кўпна маңки вэрёв. Лув квёлыгна тамле хоса квёлыг нэгаве, элумхо-

лас юил юв, кўпна мөвал тыщир квёлыг тотыгпитэ ос та мөтпалёныл мөт овылн тув нёгумтытэ, лув лавк овылн. Ос та лув сыс тармыл ўнлын хотпан хайттылн. Тот хотоймаптаве, ос мөт кўпна палт ювле сүлттёгын.

Тох хотал палыт тащир сүлттымёв, ёлваглёв — лаглагув щакариңыг ёмтёгыт. Рот лувыт, кўпна мўвал тәнки ёңхыгпёгыт. Тувыл квёлгыл тув утыгпавет, тащир та.

Яныг пум-кол вёрыглавес, пум-колт тот та хуёв, аквпал палт пыгришит, акв-палёт агиришит. Пумыл пöщгим олы, нас ййвыл тўшталаве. Юв щалтнэ маңь аскве хультуптаве. Ёл-хуюңкв патёв, пумыл лап-тохрасылёв. Сав хотпа лылаилёв. Сака мат арыг лэпнут хунь оныщёв, нэматыр ат оныщёв. Минуңкв патсёв, училищаныл вöвта лэптал лэпахтуңкв ётмайлувёсум. Фуфайкарищанув осма ёлы-пална, лэпта-нув ос акв паланыл ёлыл, акв палётл лаппёрумтахтёв.



Г.К. Алгадьева

Александра  
АЛГАДЬЕВА вёрум  
хурит

Анна  
АЛГАДЬЕВА



## НЯВРАМЫТ МАҢСЫЛ

# Парщин колт олум няврамыт

**О**йттур этпост Ханты-Мансийск  
ўст «Лылың сōюм» колт рўпитан  
мāхум няврамыт маґыс парщин колың  
лагерь вāрыгласыт. Ёсың няврамыт  
вōр мāt сātтем олсыт, ўщлахтасыт.

**Ю**и-ōвыл хōтал  
няврамыт ха-  
нищтан хōтпаныл ёт  
ййквсыт, сāңквилта-  
сыт, мōйтыт суссылта-  
сыт. Ам тот рўпитам  
мāхум ёт потрамасум,  
китыглахтасум, хумус  
тāн лагерьт олсыт, ма-  
ныр вāрсыт.

## «Юртың пāвил»

«Лылың сōюм» колт  
пунтотнэ нэ Татьяна  
Савельевна Хозяинова  
тох лāвыс:

— Тамле парщин ко-  
лың лāгерь ōвыл щёс  
мāн мōлты тāl вāрыг-  
ласув. Тōнт мāн ты тē-  
лав намаяслув «Юр-  
тың пāвил». Ōвыл  
щёс атхунь тārвитың  
ōлыс, сāvсыр кўцаит ёт  
потыртасўв, ōлнэ мā  
тāра-паттысўв. Лёкка-  
рыт мāн ётув кāсаща-  
сыт, МЧС пāлыл хум  
хōтпат парщин колыт  
тўщтысыт, пасанытыл  
ос хуйнэ пормасытыл  
майвесўв.

Мōлты тāl нявра-  
манўв ўйхул, хўл ос

лўпатат ханищтан āги-  
рищит-пыгрищит ёт  
олсыт. Пуссын аквёет  
исследовательский тē-  
ла вāрсыт, микроскоп  
нампa утыл хўлыт  
нупыл суссыт, сōрыг  
ўйит (описторхоз)  
киссыт. Ань ос тāн  
мōйтыт ловиньтасыт,  
сāңквилтаңкве ос ййк-  
вуңкве ханищтахта-  
сыт, татем пўмыш  
концерт щёпитасыт.  
Матъёмас хōталың хō-  
талаквет олсыт, нявра-  
мыт мўсхал щирыл ўщ-  
лахтасыт, ёнгасасыт.

## Хўрум ёрнэ тēла вāрсув

Ханищтан нэ Надеж-  
да Константиновна Бу-  
шуева тох потыртас:

— Ты тāl тыт хус  
няврам ōлыс. Мāн ни-  
ла хōтпа тāн ётаныл  
ётэ-хōталэ олсув, рў-  
питасўв. Няврамыт тыт  
олманыл сус хўрум ёр-  
нэ тēла вāрсыт: ёргын-  
сāңквилтан вāрмалъ  
ханищтасыт, ййквуң-  
кве ос мāщтырлахтуң-  
кве ханищтахтасыт.



Ōвыл хōтал китыгла-  
санўв, хотьют маныр  
вāруңкве кāсащи, тув  
вос хасхаты. Тувыл хоть-  
ют хоталь кāсащас, тот  
пувиньтахтас. Нāн ань  
тыхōтал тāн щёпитам  
тēланыл ты суссаньын.

Ты хōталыт сус āги-  
рищит ос пыгрищит  
халанылт вāйхатасыт,  
юрщмахтасыт, ань  
лāкква-мингалаңкве ат  
таңхёгыт.

Алпыл тāн ётаныл  
матыр ханищтасўв, пў-  
мыш тēлат тāрапатты-  
сўв, хōталъят юи-пāлт  
сāvсыр щирыл щакв-  
щисўв. Этипāла кастыл  
сыре-сыр конкурсыт  
щёпиталсув, ёл-хуйнэ  
ныл элы-пāлт ос мат-  
тем ёнгасасыт. Татем  
та хāйтыгтёгыт, шар  
хот-рётгыглавет, витыг

пёрыглёгыт.

Няврамыт яңгыщ  
пуссын Ханты-Ман-  
сийск ўсныл олсыт, туп  
акв пыгрищ Хāльўс-  
ныл ёхталас. Сосса няв-  
рамыт коньпал рущ  
ос мōт мир āгирищит,  
пыгрищит олсыт.

Ам номсёгум, тыт  
олуңкве кāсың няврамн  
мўстыс. Юи-ōвыл кит  
хōтал тāн китыглахтуң-  
кве патсыт, манрыг ат  
рōви элаль тыт олуң-  
кве, китхўрум хōтал ōс  
олнувыт. Тāн номсё-  
гыт, кўцаит ёт татем  
молях потыртахтуңкве  
та рōви. Мāн ювле лā-  
вёв, туп акв сāt тыт  
олуңкве лāввесўв, элаль  
мōт няврамыт олуңкве  
патёгыт, мōгыт тāl тах  
тыг ōс ёхтён, нāнан  
ўруңкве патыянўв.







Н. Бужуева

### Няврамыт ёт ййквсум

Маньши хум Владимир Савельевич Меров няврамыт ййквуңке хаништасанэ, тав ос акв-кит латың лавыс:

— Ам тыт хот хотал рупитасум. Ты вөр макве лылыёпе татем сыс-там, ёмас номтыл тыт олсүв. Мән «Лылың сёюм» хаништахтын колувныл хус няврам ўшлахтас, мот хаништахтын колныл ос ват няврам.

Тән пуссын акв ляпат олсыт, юрщмахтасыт, парщин коланыл ман палатканыл акв ляпат люльсыт. Та агиришит, пыгришит спорт тэла ёмашакв ваганыл, савсыр касылыт вэрыгласыт, пуссын аквёт кассыт, ёнгасасыт.

Мән ос лүйи ма мир касылыт суссылтасүв, тананылн пумыщ, сун ўлтта поргысыт, нял пэхвтысыт, та маныр. Номтыл ос кассыт. «Мамонты» намба ёнгил няврамытын сака мустыс — тованыл хоттуйтхатэгыт, мотаныт ос тананыл кинсыяныл, хотьют пувианыл, нох-алмияныл, та тотыяныл. Та савит мовиньт, ошхуль, няврамытн сака пумыщ олыс.

Мән, хаништан хотпат, план щырыл рупитасув. Ам няврамыт маньши ййкв ййквуңке хаништасанум.



Р. Гаврильчик ос В. Меров

Тананыл кит группат уртсанув, касың такви нам ос девиз онышас, эмблема псылысyt. Акв группа агиришит ос пыгришит «Саснёл» мот щепитасыт, мота-наныл «Охсар ос лулы» мот хаништасыт.

Тыт ам овыл щес рупитасум, ты элыпалт Кышик павылт ос Добрино намба ўшлахтын мән ялсум, тот няврамыт хаништасум. Тот ос аквтох воряпат палаткаң лагерь олыс. Хальүс район Ясунт павылт олнэ «Мань ўсквен» касың туи ялантэгум, тот няврамыт ёт ййквёв, сажквылтэв. Ань ты агиришит-пыгришит молхотал пасыл лавёгыт, аман манрыг лагерьов та оигпас. Тән ос аквтысавит хотал

иң олнувыт, элалы ёнгынувыт, хайтыгтанувыт.

### Пусмалтан лүптат киссув

Хаништан маньши нэ Раиса Мартыновна Гаврильчик тох потыртас:

— Тыт такем пумыщ олыс. Мән няврамытн Советский Союз порат олум ёнгилыт суссылтасув, тох ёнгасым мән ты яныгмасүв — лаптал, мячикыл ёнгысүв, хайтсүв, панкат сажхвашласүв. Тан ань май акваг телефоныл ёнгасаңкве таңхёгыт, хунь ты ёнгилыт урыл потыртасүв, суссылтасанүв, тананылн татем мустыс, лавёгыт, ос мощ ёнгасэв.

Манти касыланув ос вэрыгласанүв — няврамыт сун ўлтта поргысыт, тўщтым ййвн лажквыт пэхвтысыт, ёвт таратасыт. Каснэ ос ёнгын магыс эрнэ пормасыт маньши хум Анатолий Васильевич Вадичупов тав щепитас, мән палтув тотыгласанэ.

Алпыл сайкалэгыт, тыгле-тувле мощ хўтсэгыт, тувыл тэпъялэгыт. Няврамыт ёмас тэнутыл тотыглавёсыт, акваг пойтнэг тэсыт.

Тувыл лов щес порат кон матыр вэруңкве та овылтахтэв.

Касың хотал тән магсыланыл ййльпи потыр щепиталсүв — ворт олнэ ўйхулыт, ворт яныгман ййвыт ос лүптат урыл потыртасүв. Ялпың ййвыт овылтыт акв-кит латың лавсүв, няврамаквет ты урыл ат иң хўлыгламыт. Акв агирищ сас урыл нэмхуньт ат хўлыглас, лави, ты маныр, ос ам хот халь хонтэгум.

Тән ань няврамыт ўсың мат олэгыт, щань — ащанылн вөрн ат тотыглавет, таимагыс тованыл ййвыт ос лүптат наманыл ат ваганыл. Тыт сав потыр хўлсыт, хаштал матарыт тара-паттысыт, пусмалтан лүптат тара-паттуңкве ос кинсункве хаништахтасыт.

Юн, квартираң колт, тай хумус ат олункве, тот рёгың, исум вит, газ пуссын олы. Тыт харамат саттем олсыт, хотал палыт кон хайтыгтасыт, ёнгасасыт, эти парщин колт мощ польвёсыт.

Ам номсэгум, няврамытн тамле олупса ваңкв эри. Хунь няврам кон хоса олы, кон ёнгасы, вөр мат ёмыгыт, тонт тав ўщпылнэг таксарыг ёмты, агмыл ат ёмты. Тыт олункве анумен ос сака ёмас олыс.

Ты хаништан хотпанув тамле эрнэ рупата капай та вэрёгыт — няврам хаништэгыт, няврам ўргалэгыт. Ань ты этпос атыт щислат тән ялпың хоталаныл ты ляпамас. Мән, газета вэрнэ махум, тананыл янытлыанүв! Пус кат, пус лажыл вос олэгыт, ос сав эрнэ тэла вос вэрёгыт.



В. Меров койп раты



# Мәнав ханищтам Эква янытлылұв



Э.Н. Илюшникова

**Э**львира Николаевна Илюшникова ам мәнь тағыл вәглум ос номилум. Тав Саранпавыл школат мәнавн математика ос алгебра урокыт ханищтас. Туи мән Эльвира Николаевна ёт акван-хонтхатыгласмән, ам таве такви урётыл моц потыртаңкве вөвыслум. Тав мәнылат тәланэ номылматсанэ ос анумен тох потыртас:

— Ам мәнь таквс эт-пос овыл хоталэт 1942 тәлт Полноват павылт самын патсум. Тонт са-ка тәрвит, яныг хонт-лын пора олыс. Омам Мария Васильевна Голошубина хұрум нъяв-рамың тағыл таккёт хультыс, ашум Николай Ефимович Селянин хонтлуңкве тотвес ос тот хот порслувес, юв ат та ёхтыс. Омам ётыл мән ётув Кульпас павылн вәнтлыс, тот Улякши қаңке школат рұпитас, тувыл мот рұ-танув ос тот олсыт. Тән нётманыл ёрыл мән, нъявrameыт, лылыанув нёглысыт. Матум ашойкав мән ётув ос олыс, тувыл тав эще ос Дмитрий Леханов а-пшитэ мис ошсыт. Та мисув хосыт ос хот хұл алышдым, сыманув са-ка ат этгалавёсыт. Дми-трий Алексеевич хотал нёглын ёрт японцыт

ёт хонтлуңкве тотыг-лавес, тахолът юв ёх-тыс, павылт рыбад-зорыг рұпитас.

Яныг хонт оигпам юи-пәлт мән Саранпавылн вәнтлысұв. Алексей Ва-сильевич Голошубин, сасгум, 1926 тәлныл Сұ-кырья школа кұшаиг рұ-питас, ётыл уц Кульпас культбазан рұпитаңкве паттувес. Тав мәныщи

ос саран ләтың ёмщакв торгамтас, сав махум ёт вайхатас.

**С**артын сәлың ма-хум палт ялантым Сұкырьян саран, мәнь-щи ос ёрн нъявrameыт школан тотыгласанэ. Тән оманылн-әтянылн интернатт олункве ос ханищтахтуңкве ат тәрт-вёсыт, акваг воритот-сыт.

Тувыл сасгум Касум школат кұшаиг олум хум Аркадий Никола-евич Лоскутов ёт Мос-ква ўсн ялсыг, тот Н.К. Крупская ёт вәщи-нтахтасыг. Тән сәлың-колт олнэ махум ләт-ңаныл урыл тавен по-тыртасыг. Тән нъявrameыт сысы минуңкве тәртнуваныл кос, ос тән интернатит олнэныл сыс нъярнёвиль ос нъя-хұл вос тэгыт.

Руцит ул вос пилё-гыт, ты тәнutyн нъя-rameыт ханьщувлым олэгыт ос агмыл ат ёмтэгыт. Та кұшай нән тох вәруңкве тәртвё-сыт, та юи-пәлт уцта сасса махум ротмысыт ос нъявrameыт шко-лан тәртуңкве патса-ныл.

Ам амки 1958 тәлт Ханты-Мансийскан минасум. Тот хұрум тәл педагогический

училищат ханищтах-тамум юи-пәлт, 1961 тәлт таквсы мән, акваёт ханищтахтам хус хот-па, пуссын рұпитаңкве кётвёсұв.

**Т**онт округ яны-тыл сав мәнь школат ўнттувёсыт. Ам Саранпавыл ляпат ол-нэ Ясунт павылн кёт-вёсум. Тув мәнь таквс этпос атыт хоталэт рұ-питаңкве ёхтысум. Ясунт мус сәмыл охсар ошнэ пёрмат рұпитан кұшай хум Субарев ёт ёмсумән.

Ят яңке уц пөлвес, мән сыресыр нёпакыт, тетрадкат, хаснэйивыт ос мот пормас сиспәлт алумтан хұрыгсовн тәг-лэкв пинсанмән ос та минмыгтамән.

Тонт Ясунтыт ха-нищтахтам пёс кола-ныл лап-пантвес, ань йильпи колн матыр-әти ёрнэ утыт тотуң-кве эрыс. Таияныл щё-питасанум ос атхуйплов щислат нъявrameыт ха-нищтахтуңкве уцта патсыт. Тэлы ам Саран-павылныл суның та-гыл тув рұпитаңкве ял-сум.

Та школат 16 мәнь нъявrameквет ханищ-тахтасыт. Хұрум нъя-rameквет руц ләтңыл щар ат потыртасыт,



Ойкатэ ёт



Маша аңге ёт



## ПАВЛЫҢ МИР ӨЛУПСА

мөтаныт матыр мош торгамтасыт.

**А**кв пыгрищакве Алёша, аман Тихонов опарищнаме олыс, тав ёмщакв потыртас. Ам тавён лавсум, анумен потрыт толмашлаңкве вос нёты. Мөтыт хөталт ёхтысум, я-а, Алёшатем хоталь тыпыс? Насати, парта ёлы-палн хот-туйтахтам.

Лавыс, тав мөт ныврамытн мань ханищтан хөтпаг намталаве. Тувыл тан танки халанылт юртыңыщ олсыт, пуссын акван-нётхатым ханищтахтасыт.

Ясунтыт акв тал рупитасум ос 1962 талт туйг Ханты-Мансийскан ювле минасум, тот экзаменыт сдавайтасум ос дипломыл майвесув. Тот юртум ёт акван-хөнтхатсумён, хум вурсум.

Ам Октябрьский район Большой Атлым павылн рупитаңкве кётвёсум. Та школат математика, физика ос пение ханищтан хөтпа атим олыс, тыит анумен майвёсыт. Тот акв тал рупитасум ос Тобольск үс институтн физикоматематический факультетн ханищтахтуңкве кётвёсум. Тувыл Саранпавылн ювле ёхтысум ос тот элаль та олмыгтасув.

Эльвира Николаевна школат налыман тал рупитас. Тав ат ныврам янмалтас, ань нывраманэ13 аги-пыг янмалтасыт ос 10 апыг оныщи. Ты яныг колтагыл пустагыл вос олэгыт, сав шунь, сав сөт! Ты этпос овыл хөталэт Эльвира Николаевна 76 талэ төвлыс. Ман таве янытлылув, пус кат, пус лагыл вос олы!

**Тамара Мерова**

# Кәркам нэг-хумыг

**Татьяна Владимировна Хозумова Саранпавылт олы. 1988 талныл пұлыницат санитаркаг рупитас, ётыл тот ма-хум тыттын колнакт рупитаңкве патыс.**

**Т**ав Лөпмус нэ, такви аги опарищнаме Албина олыс. Кульпас школа аста-ме юи-палт аквторыг уйхул пусмалтан хөтпаг ос тэнут пайтнэ хөтпаг Салехард үст ханищтахтас. Юв ёхтуме порат нэмхотталы ат вуйвес, Саранпавыл пұлыницат мөт рупата хөнтыс.

Ты павылт маньщи хум варыс — Юрий Васильевич Хозумов. Ойкатэ Ясунт павыл-ныл олы. Татьяна Владимир яныг пыге Чечня мат лусытас, тав тот хөт порславес. Тамле хөнтлым мат порслам хум хөтпат магыс Ханты-Мансийскат памятник туштувес, ань пыге наме тув хансым олы.

Андрей котиль пыгён Ханты-Мансийск



Юрий ойкатэ



Юрий пыге

үст медицинский академият лёткарыг ханищтахтас. Ты туй таве аста-ластэ, мошёртын армиян лусытаңкве виве. Юрий мань пыгён ос аквты үст педагогический колледж ты тал астытэ. Татьяна пыгаге уралытм Ханты-Мансийск үсн акваг ёхталы. Андрей олн ойтнэ тал тыт ханищтахтас, асталас. Юрий магыс олн ойтункве ёри. Тав музыкальный отделеният ханищтахты, Саранпавылт тав «Салы лёнх» ёргын-ййквнэ колн ялантас. Тот мащты-

рыг сәңквилтапыл сәңквилтаңкве, ййквуңкве ос ёргуңкве ханищтавес. Ань ты тэлат элаль та тотыанэ.

Татьяна такви ос мань тагыл ёргуңкве сака хасы. Руш латңыл ёргум ёрганэ маньщи латңыл толмашлыя-нэ ос элаль ёргиянэ. Тав шар ома-тэ хурип кәркам ос элумхөлас нупыл сымың хөтпа. Ома-тэ Анна Григорьевна Лесманова (Албина) сака сав мөйтыт, пёс потрыт вас.

Юрий ойкатэ мань-пөль этпост 55 талэ төвлыс, тав ань пенсиян патхатас. Тав кәркам ос нёмса хум, сав тал школат рупитас. Мань тагыл хул алышлаңкве, вөраяңкве ханьщувлас, колыт ёрнэ пормасыт такви вәруңкве хасы. Ань акв мат ос ат уңлы, кол уңттын магыс очередит урхаты ос йильпи кол тах уңтты. Тав талэ-туве хул алышлым, вөраим яласы.

Ты щёмья пустагыл вос олы, сав шунь, сав сөт, Төрүмн ос Най-Отыранын вос ургалавет!

**Тамара ХАТАНЕВА**



Татьяна Хозумова

# Тән хорамың энтапыт сагуңкв хәсәгыт



Н.В. Комарова Алексей Горюшин ёт потырты



Надежда Харчевникова

**Т**ы туй Ханты-Мансийск ўст мәщтыр мәхум ловит мирхал фестивалыныл ылыс. Төнт савсыр маныл мир мүйлуңкве тыг ёхталасыт. Касың хотпа такви мире ыныцгиллап пормасанэ суссылтаңкве ёт тотыгласанэ. Мәхум тыт тыналахтасыт, төват ос пормасыт мәщтырласыт.

**Раиса Хусаинова**

Ты мәщтыр нэ Сургут ўст ылы. Тав «Пёс Сургут» музейт ялпың хоталыт щёпитым рупиты. Нэ Башкирия мәт самың патыс, тот яныгмас ос школа а́ст-лас. Округун налы-ман нупыл ат тал ювле ху́лтум порат рупитаңкве ёхтыс. Та пасныл акваг тыт ты ылы. Такви мире

пёс йис ылу́пса ос щань латне ат ёрувластэ, ань тыг мус элаль тотытэ. Мәщтырлан хоталыт тав башкир ос хатань мәхум аканит суссылтас.

Аквматнакт округут «Ремёсла Центр» колт рупитан нэ Ольга Бубновене ты мәщтыр нэ ёт хонтхатыглас. Нэ вәрум пормасанэ сунсыгласанэ ос тыг тотуңкве лавсанэ. Нэ ывлёт мас-

нутыт сётапыл сагыс ос савсыр пормасыт йонтыс. Ань ты порат ос аканит вәрыс. Ты пормасанэ тыт мирн суссылтасанэ ос тыналасанэ.

**Надежда Харчевникова**

Ты нэ Сургутский район Лянтор ўсныл ёхталас. Тав тот пёс йис пормасыт атнэ колт рупиты. Нэ тыт ханты мәхум энтап сётапыл сагыс. Ты тэлан ханищтахтын мәгыс тав Сургутский районт ворт олнэ ханты нэ Анна Петровна Нимперова палт ялыс. Тот тав ху́рум хотал сис пёс щирыл энтап сагуңкве ханищтавес. Ань такви мәщтырыг сагуңкве хасы.

Тот ы́лме сис ханты ылу́пса мо́щ ханищтастэ. Хумус нянь вәраве, сов тынтлаве, ты вәрмалы ань ыс вәгтэ. Та йис маныл ювле ёхтуме юи-палт ўст няврамыт ос яныгхотпат ханищтаңкве патсанэ. Ётылнув научный нэпакыт ловиньтас, тот потрыт хонтыс. Пёс порат ханты мәхум сётапыл энтапыт ыс сагмыт. Ань тав палтэ сагнэ ос юнсхатнэ вәрмалын ватахкем няврам ханищтахтэгыт. Тәнанылын ты вәрмалы сака мұсты.

**Алексей Горюшин**

Ты а́гмың-мосың хум Мегион ўст ылы, тав ёмыгтаңкве ат вөрми, коляскал яласы. Тав музейт нила тал рупиты, пормасанэ юн вәри.

Катыл сагуңкве такви ханищтахтас. Савсыр нэпакыт ловиньтас. ы́влёт соссаң мәхум энтап ошца квалгыл сагыс. Тувыл мот савсыр мирыт энтапыт ос нортнэ төрыт вәруңкве патыс. Төва төранэ хорамыл вәриянэ. Ләщал-ләщал ханьщувлас, ань матыр-ати такем мәщтырыг вәри. Ань ўскант тав сагум пормасэ округ кұщай нэ Наталья Комарова суссанэ ос тыммагыс хум янытластэ.

Ты мәщтыр мәхманув кит тал сис акв щёс округут хотты ўст акван-атхатыглэгыт. Төва хотпат мот хон маныл тыг ёхталэгыт.

Ты сака ёмас вәрмалы, пёс йис тагыл ошнэ пормасанув элаль вәравет. Ань, сакати, няврамыт ос маньлат мәхум ты пормасыт вәруңкве ыс ханищтавет.



Раиса Хусаинова



ПАВЛЫҢ МИР ӨЛҮПСА

# Сүкыръя павыл мир өлүпса



В.П. Кустышев

**Х**альүс район Сүкыръя павылн Хялмум порат, Владимир Павлович Кустышев ёт потрамасум. Ты хум хосат тагыл тот старостаг паттувес, павыл тэлат тав ты вэриянэ, пуссын тэрапаттым 6ныщиянэ.

Ам китыглахтасум, Сүкыръят манах хөтпа 6лы, павлың махум хөт рүпитэгыт, хумус 6лэгыт. Владимир Павлович тох ты потыртас:

— Павлуvt ань 72 хөтпа 6лы. Туи тай яныгсат арыгтем 6лсыт, ханищтахтын агит-пыгыт ань таквсы ханищтахтуңкве миначыт. Манылат махум хөт 6лынт ханищтахтэгыт, тувыл тув акваг та 6лмыгтэгыт — Тюменът, Ханты-Мансийскыт манос Хальүст.

Павлуvt 6выл класчыт ханищтахтын няврамыт магыс школа 6лы, мань няврамыт садик, най харыгтан кол, лапка. Павыл махманув яныгш тот ты рүпитэгыт. Клубт кит хөтпа рүпитэг, акватэ пуңкто-тым 6лы, мотанэ ос күр палтыглы. Тув палыт кит пыгыг павлың махманүв я ултта унсуптэг, тох рүпитэг. Хунь витэ мань, тупыл товэг, ос хунь 6нты, махум моторхапыл тыгле-тув-

ле тотыглыанэн.

— Пүльница 6ныщегын?

— Ати, пүльницав сака пёс, лап-пантвес. Лёккарыт павлуvt 6лэгыс кос, ос пүльница ат 6ныщев. Күщаянуv хосат тагыл лавегыт, ФАПыл (фельдшерско-акушерский пункт) то-тавев, унттавев. Такос ўрхатэв, аман хунь пүльницаңыг ёмтэв, тавагт. Ты тув палыт сака рёгың 6лыс, тув сым рёгыт яныгхөтпатын тарвитың, давление агмыл хартэгыт. Пүльница 6щсуv те, тай ат саваланувүв.

— Владимир Павлович, наң хөт яныгмасын?



Сүкыръя павыл

— Ам тыт 1966 талт самын патсум, яныгмасум. Омагум-агтягум саран нэг-хумыг, тэн 6с тыт яныгмасыг, ань сас атимыг. Атям Павел Андреевич Кустышев хурумхуйплов тал пасныл рүпитаңкве патыс. Яныг хөнт порат рүпитаме магыс Труженик тыла намыл майлуvес. Омам Фаина Петровна колхозт мис поснэ нэг 6лыс. Нёрт салы ўрим сав тал яласасыг, нёлолов няврам янмалтасыг. Нила увщиянуv ос каңкум атимыг ёмтсыт, мань ань хурум хультсуv, апщим ос ягагим.

Элнаң май колтагыт хөт няврам 6лы те, ты сака мат яныг колтагыт ати, махум сат манос нёлолов няврам 6щсыт. Мань павлуvt шар мак яныг улпыл Хозумовыт колтагыл 6лыс — тот аквхуйплов няврам яныгмасыт.

Омаv ос атяв маньщи латңыл ёмашакв потыртасыг. Тэн салы ўрим маньщи ос саран мир халт 6лсыг, рүпитасыг. Тот махум халаныл пуссын маньщи ос саран латңыл потыртасыт. Ам маньщи латың 6с торгамтэгум. 1995 тал пасныл 2005 тал мус ам Саранпавылныл тыг, Сүкыръян, нянь тотыгласум, тонт яныгхөтпанув иң сав 6лсыт. Тан ам лялтуv маньщи латңыл потыртэгыт, ам ос ювле саран

латңыл лавегум. Тан ануv хулыяныл, ам ос тананыл торгамтыянуv, манав руш латың атиң эрыс.

Мань порат номилум, ты клубувт маньщи махум Ый йиквыгласыт. Манавн, пыгрищитн, пумыщ, тув шалтэв, сунсэв, пасан тармыл ава ўнлы, яныгхөтпат эргегыт, тўлыглахтэгыт.

Ты клуб колувт мань ань савсыр ялпың хөталыт вэрыглэв, Саранпавылныл эргын-йиквнэ махум ёхталэгыт. Йильпи тал 6с тыт ўрилүв, туи ос павлуv ялпың хөталэ порат мўйлэв, хул алыщлан махманув янытлыанүв, концерт вэрёв. Яныгполь этпос 7 щислат Ыринэква хөтал янытлылуv.

Павлуvt 6луңкве сака ёмач, лылыёпе сыс-там, я ватат 6лэв, хул алыщлэв, туи пум вэрёв. Ань мёрсың хөтпа лув 6ныщи, пуссын «Бураныл» манос машинал яласэгыт, павлуvt нила лув туп хультыс. Мис тай сав 6ныщаве, щаквит, нёвыль магыс янмалтавет. Ам кит мис 6ныщегум. Элнаң пумсагрын керыл пум сагрысуv, пумкоснэ йивыл пум коссуv, ань тай сыре-сыр мотоблокыт квалтапаптувэсыт, рүпитаңкве татем кўстыр.

Ань потрумён та оигпас. Владимир Павлович хөтпа нупыл сымың элумхолас, павыл махманэ янытлыанэ, нётыанэ. Тавён ам сав ёмач латың лавегум, пус кат, пус лагыл вос 6лы, вос щуни.

Светлана  
РОМБАНДЕЕВА

## САВСЫР МИРЫТ КУЛЬТУРА

## Олн-нётмилыл уртавет



Н. Казначеева нёкве яныттытэ



Маньши ййкв ййквуңкв ханищтавет

**Сўқыр этпост Ханты-Мансийскат ёлнэ Сокруг творчество колт акв ханищтап вёрыглавес. Мирн кас тотнэ мэхум тув акван-атыглавёсыт, тән рўпатаныл тот ёвылтыт потыртасыт.**

Ань акван-атхатам мэхум ёт культура департамент кўшай нэ Надежда Казначеева пащалахтас ос савсыр проект урыл латың лавыс. РФ Президентув лавме щирыл, тән аквётвёрум рўпатаныл ёлалъ мўсхалыг ос вос тотыяныл. Ань савсыр национальный проект мёгыс олныл щёпитымат. Тананыл пуссын тара вос паттыяныл, ос танки матыр йильпи тэла вос щёпитёгыт. Ань ты пора «Добровольчество» тёлыг намтым ёлы. Мэхум пуссын ты тёлат щирыл матыр-ати вёруңкве ты лававет.

Тувыл Надежда Михайловна округт вёрыглым касылт нёх-патум хётпат мўйлупсал мисанэ. Ты тёл округ янытыл хотты ялпың

хёталытыт пёс накыт суссылтавет ос хумус тонт мэхум ёт мўйлункве рёви, ты ёвылтыт потыртаңкве ёрыс. Ань савсыр касыл суснэ юипалт Сургутский район Нижнесортыйский искусства школат рўпитан нэ Алена Сергеевна Филатова «Христово Воскресенье» намба ёргын-ййквнэ колэ ёт нёх-патсыт. Тувыл Сургутский район Сингапай павылт «Камертон» колт рўпитан нэ Олеся Валерьевна Авраменко диплом-нёпакыл майвес.

Мот касылт Сургутыт №2 искусства школат рўпитан нэ Юлия Александровна Волкова, щёмьят пёс накыт урыл потыртанётэ мёгыс мўйлуптавет. Ос Югорск ёст №2 нёпак ловиньтан колт рўпитан нэ Наталья

Витальевна Звягинцева «Сияние нашего сердца» хансум проектэ мёгыс диплом-нёпакыл майвес.

Округ творчества кол кўшай нэ Елена Евгеньевна Исламуратова такви рўпататэ ёвылтыт потыртас. Тав аквёт рўпитан мэхманэ ёт манхурип проект щёпитасыт, хумус ты тёланыл ёлалъ тотыяныл, мирн вёнэ хётпат наманыл хоталь хансункве ёрёгыт, пуссын лавыс.

Ляххал хаснэ кўшай вёнын нэ Надежда Сидорейко мэхумн йильпи нёпак суссылтас. Ты нёпак творчество кол 60 тёлэ товлуме кастыл щёпитаве, «Все цвета радуги» намтвес. Тав иң ат таратавес, ань лопсанэ нас пёслым ёлэгыт. Тув сав тёлыт сыс ёлыглам тёлат ёвылтыт хансым потрыт, хурит акван-атвёсыт. Ты нёпак Александр Конев, округ культурат яныг нам ёщнэ хум, тав щёпитытэ.

Сосса мэхум пёс накыт урыл ос потрама-сыт. Тот рўпитан хётпаг Светлана Николаевна Нестерова «Культурный наследие» ищхипың утын хансым накыт урыл потыртас, Тимофей Алексеевич Молданов — пёс накыт хумус ёлалъ тотавет. Тувыл Е.Д. Айпин хансум потре щирыл мёнь ёныг суссылавес.

Фаина Павловна Иштимирова ханты ос маньши ййквыт суссылтас. Тав палтэ ёхталам нёт ййквуңкве моц ханищтасанэ. Тав лавыс, ань ййквнэ агит-пыгыт хотты мир ййкваныл суссылтыяныл, тән та мир маснутыл масхатым вос ёлэгыт. Манах щёс вёщиньтасум, ёрттам маньши манос ханты мэхум ййкв ййквёгыт, ос сунсёв, супаныл шар мот мэхум маснутыг ёлэгыт. Тох вёруңкве шар ат рёви.

**Тамара  
МЕРОВА**

## Лўимā сёрипос

(Северная зоря)  
№19 (1181), 04.10.2018  
**Соучредители**  
Дума, Правительство  
Ханты-Мансийского  
автономного округа — Югры  
**Издатель**  
Департамент общественных  
и внешних связей Ханты-  
Мансийского автономного  
округа — Югры

## Редакция

Врио директора —  
**Кондина Г.Р.**  
Телефон (3467) 33-22-72

Заместитель гл.редактора —  
**Кондина Г.Р.**  
Телефон (3467) 33-22-72

Ответственный секретарь —  
**Уэль В.В.**  
Телефон (3467) 33-23-09

**Адрес редакции и издателя:**  
628011, г.Ханты-Мансийск,  
ул.Комсомольская, 31  
тел./факс (3467) 33-17-52

**E-mail:** [gazeta@khanty-yasang.ru](mailto:gazeta@khanty-yasang.ru)  
Газета размещена на сайте  
[www.khanty-yasang.ru](http://www.khanty-yasang.ru)

## Отпечатано:

ООО «Новости Югры-  
Производство» г. Сургут,  
ул. Маяковского, д. 14.

Индекс **04399, 54399**  
Тираж **1710** экз.  
Заказ **3887**  
Цена свободная

Мнение авторов  
публикаций не  
обязательно отражает  
точку зрения редакции.

Газета зарегистрирована  
Управлением Федеральной

службы по надзору  
в сфере связи,  
информационных  
технологий и массовых  
коммуникаций  
по Тюменской области,  
ХМАО-Югре и ЯНАО.

Свидетельство  
о регистрации  
ПИ №ТУ 72-00795  
от 23 января 2013 г.